

小學堂經解

逸書考

崔靈恩三禮義宗

甘泉黃奭學

筮用三代之占若三占之俱王之上車魯之
卽鄭注周禮筮凶則止是也三代之占若三
從凶猶不決雖有筮逆猶得更卜

後卜筮範疏。又春

秋疏引崔義云國之大事先筮而後卜筮凶則止不卜者筮必以三代之法若三法皆凶則止不卜若兩法是凶一法爲吉名爲筮逆猶是疑限故更卜以決之則洪範筮逆龜從是也故太卜掌三兆三易儀禮特牲少牢筮皆旅占按此文雖特詳而旨不殊故附錄之

二王之後夫人各乘本國先王之上車魯之

大人乘重翟

毛詩彼禮疏

衣不純采指謂當室不當室則純采所以
於者當室之孤內理烝嘗外交宗族所履之
事莫不傷心故特純素示哀也深衣不云當
室者文畧耳

凡言先生謂年德俱高又教道於物者凡云
長者直以年爲稱也凡爲君子者皆爲有德
尊之不據年之長幼故所稱不同也

燕飲主人面亦嚮尊若鄉飲酒皆主

賓夾尊也

入夫用已孫爲尸

皇侃用崔義

必載盟誓之辭者或尋舊盟或用舊會之禮應須知之故載自隨也

軍行所置旌旗於四方以法天此旌之旒數皆放其星龍旗則九旒雀則七旒虎則六旒龜蛇則四旒皆放星數以法天也皆畫招搖於此四旗之上

外事指用兵之事內事指宗廟之祭者以郊

用辛社用甲非順其居外內剛柔故也祭社
用甲所以召誥用戊者召誥是告祭非常禮
也郊之用辛者唯夏至及雩大亨明堂
耳若圜丘自用冬至日午時迎氣用其初朔
之日不皆用辛

凡卜筮天子皆用三代之蓍龜若三筮並凶則
而不卜鄭云若一吉一凶雖筮逆猶得卜
也則洪範所云者是也其大夫則大事卜
事筮大事則葬地及葬日爲事之大則卜

雜記云大夫卜宅與葬日是也其小事用

則少年常祀筮日是也士亦大事卜小事

故士喪禮卜葬日以喪葬爲重須定吉凶

用卜也其尋常吉祭比葬爲輕故筮日也

既卜日得吉餘事皆吉可知故惟筮葬地

不復用卜也

謹按洪所云句上與尙書春秋二疏詳畧互見其大夫下文

義全荆然語意相蒙并錄之

謂不過三用若大事龜著並用者先用三王

筮次用三王龜始如是一也三如是乃爲三

也若初始之時三筮三龜皆凶則止或逆多
從少或從多逆少如此者皆至於三也單卜
單筮其法唯一用而已不吉則擇遠日不至
於三也前以用三王之龜筮者有逆有從故
至三也此惟用一故不至三也

初享圭璋特故有藻其餘則束帛加璧既有
束帛則不須藻凡諸侯朝天子皆行三享之
禮故大行人云公侯伯子男竝云廟中將幣
三享觀禮云四享者鄭註云四當爲三初享

用虎豹之皮其次享三牲魚腊龜金帛漆
唯國所有分爲三享皆以璧帛致之若其臣
出聘唯行一享故聘禮致夫人聘享唯一享
也

裼所以異於襲者凡衣近體有袍襍之屬其
外有裘夏月則衣葛其上有裼衣裼衣上有
襲衣衣之上有常著之服則皮弁之屬也
掩而用則謂之爲襲若開此皮弁及中衣
左袒其裼衣謂之爲裼故鄭註聘禮云裼

者左

也一玉之上若垂藻之時其人則褻

屈藻

時其人則襲則褻襲不相因表記云

褻襲不相因者彼謂各執其物執圭玉者則襲受享者則褻與此同也

夷狄不識王化無有歸往之義故不稱王臨之也不云皇者戎狄不識尊極之理皇號尊天也夷狄唯知畏天故舉天子威之也

天地社稷是外神而祭之郊內不敢外之

復所以呼天子者比王者皆感五精之帝而

生是天之子今天王崩是其精氣復還於上
呼稱天子復更生之義

古者帝王生死同稱生稱帝者死亦稱帝生
稱王者死亦稱王今云措之廟立之主曰帝
蓋是爲記時有主入廟稱帝之義記者錄以
爲法也

大夫士無主以幣帛祔祔竟竝還殯宮至小
祥而入廟也

覲禮大國之君同姓謂之伯父異姓謂之伯

舅此小者同姓謂之叔父異姓謂之叔舅此
各當一國不嫌敵二伯州牧雖爲侯封皆是
大國之君本自稱伯牧今總攝衆國嫌其敵
義故更稱叔

地道貴右公故在西也

諸侯春夏來朝各乘其命車至皐門外陳介
也天子車時在大門內傳辭旣訖則乘車出
大門下車若升朝之時王但迎公自諸侯以
下則隨之而入更不別迎也入至文王廟門

天子還服朝服立於路門之外諸侯更易服朝服執贄而入應門而行禮故王當宁以待諸侯次第而進

凡形容下不得兼上上得兼下故詩有濟濟文王穆穆魯侯者詩人須美舉盛以爲言非

對例也

並曲禮疏

將小斂之時已括髮括髮後大夫以上加素弁士加素委貌至小斂訖乃投去其冠而見括髮喪大記云主人袒說髦括髮謂說去其

髦更正括髮非重爲括髮

諸侯三卿司徒兼冢宰司馬兼宗伯司空兼
司寇三卿之下則五小卿爲五大夫故周禮
太宰職云諸侯立三卿五大夫也五大夫者
司徒之下立二人小宰小司徒司馬之下以
其事省立一人爲小司馬兼宗伯之事司空
之下立二人小司寇小司空今夫子爲司空
者爲小司空也從小司空爲小司寇也並檀弓疏
三十年之間大畧有閏月十三足爲一年故

惟有九年之蓄

畿內有百里之國有五十里之國有二十五里之國天子燕畿內諸侯以緇衣燕畿外諸

侯以亶冠

並玉制疏

凡陰陽之管合有十二律律各爲一調迭相爲宮而生五聲合而成樂黃鐘宮最長爲聲調之始十二宮之主宮音者是五音之長故與黃鐘之調宮聲相應四時之律皆取氣應土王之律獨取聲應者一者欲與四行爲互

二者爲無別候土氣之管故也

月令疏

奔喪不見喪不改服謂不改素服而著免其

改吉服著布深衣素冠聞喪卽改之

曾子問疏

周禮大祫於大廟則備五齊三酒朝踐王酌

泛齊后酌醴齊饋食王酌盎齊后酌醢齊朝

獻王酌泛齊因朝踐之尊再獻后酌醢齊因

饋食之尊諸侯爲賓則酌沈齊尸酢王與后

皆還用所獻之齊賓長醕尸酢用清酒加爵

亦用三酒大禘則用四齊三酒者醴齊以下

悉用之故禮運云玄酒在室醴醖在戶粢醖
在堂澄酒在下用四齊者朝踐王酌醴齊后
酌盎齊饋食王酌醢齊后酌沈齊朝獻王酌
醴齊再獻后還酌沈齊亦尊相因也諸侯爲
賓亦酌沈齊用三酒之法如祫禮也四時之
祭惟二齊三酒則自祫禘以下至四時祭皆
通用也二齊醴盎也故鄭注司尊彝四時祭
法但云醴盎而已用二齊者朝踐王酌醴齊
后亦酌醴齊饋食王酌盎齊后亦酌盎齊朝

獻王還用醴齊再獻后還用盎齊亦尊相因也諸侯爲賓亦酌盎齊三酒同於祫三酒所常同不差者三酒本爲王以下飲故尊卑自有常依尊卑之常不得有降祫禘時祭本明所用總有多少故正祭之齊有差降也曾及王者之後大祫所用於五禘之禮同若禘與王四時同用三酒亦同於王侯伯子男于禘皆用二齊醴盎而已三酒則並用二齊之法朝踐君夫人酌醴齊饋食君夫人酌盎齊朝